

Ich Prins Luc de ieësjte, Prins van ut Keeschjeriek, Hertog van de Mestreechterweag, Graaf van RKDFC, Ridder in de orde van 't Kinger vakantiewerk, de Boerderie en de Technische Deens.

Verkloar hiebie trouw te blieve aan ut Keeschjeriek en aan al zien wette.

Zo waarlik helpe mich ut masker.

Ich gao in 2019 regere euver alle Knup en Knupkes van Bengelder.

Haopelik zurgt gier same mit mich d'r vuur dat de kommende Vasteloavend weer goot zal schlage.

Hiebie wil ig noe euver gaon mit ut veurlese van mien 11 Vastelaovendswette:

- Ten ieësjte: Es 57^e Prins van de Keescheknup wil ich, same mit miene wieze Raod van Elf, d'r vuur zurge dat ut weer unne onvergeatelijke Vasteloavend wieërt.
- Ten tweede Nao Jeugdprins te zin geweas in 2007, noe eindelijk groeëte Prins van de Keescheknup. Ich hub d'r lang op motte wachten, nog effe en ich koos Prins van Merkelbek weare.
- Ten driede: Wat is 't unne Prins zonger Prinses? Dat is 't zelfde es unne boer zonger tractor. Daorum wil ich uch dan oog alvas vuursjtille aan mien Prinses Maxime.
- Ten veerde: Ut is geen traditie bie de Keescheknup mer waal erg belangrieëk vuur mich. Miene groeëte braor Coen zal dees daag fungere es mieëne vaste Adjutant.
- Ten vijfde: Bie RKDFC bin ich noe sjpits, nummer tieën of vlegende kieëp. Doa hub ich mit de vasteloavend ginne tied vuur, dan mot ich doeër de zaal vleege.
- Ten zusde: Omdat de Vasteloavend later vilt dan vurig jaor wil ich toch jieëkereen oprope om op tied te komme... en lang te blieëve.
- Ten zieëvende: Ich bin op zeuk nao luu die op zaoterdig nao de optoch ut ontmoetingscentrum wille poetse. Anger jaore deeg ich dat, mer es Prins van de Keescheknup mot ich dat helaas aan angere uverloate. Volgend jaor bin ich weer van de partie.
- Ten achste: Omdat ich al jaore actief bin bie ut Kingervakantiewerk in Merkelbek ving ich ut hieël belangriek dat alle kinger mit doeën. Hiebie roop ich dan oog alle kinger van Beekdaelen op om de kommende jaore de Vasteloavend volop mit te viere!
- Ten neugende: Es ieësjte Prins van de Keescheknup van de Gemeente Beekdaelen wil ich ut groeët goan aanpakke. Neet klein dinke. Daorum wil ich oog veursjtille om vanaaf vandaag hauf liter glaaze in 't O.C te goan gebroeëke.
- Ten tieënde: Geaf 't dörp kluur, verseer uch hoeës, maak sjpass en plezeer en vier de Vasteloavend mit mich in Bengelder.
- Ten ellefde: Omdat ich erg hendig bin, goan ich vanaaf vandaag same mit Prinses Maxime en Adjutant Coen boewe aan unne sjtevige en sjtabiele Vasteloavend in Bengelder.

Oetgegeave in ut ontmoetingscentrum,
Op de nuuge-tiende van de ieësjte, 2019
Ich Prins Luc de ieësjte, Alaaf
Keescheknup, Alaaf
Bengelder, Alaaf!

